

**Uunga siunnersuut: Inissiani attartortittakkani ineqarnermut tapiissutit pillugit
Inatsisartut inatsisaannut allannguut nr. xx xx. xxx 2017-imeersoq**

(Katissimasap apparisalluunniit toquneranut atatillugu pissutsillu allatigut allanngorneranni ineqarnermut tapeqartitsisarneq)

(Isumaginninnermut, Ilaqutariinnermut, Naligiissitaanermut Inatsisinillu Atuutsitsinermut Naalakkersuisoq)

Saqquummiusissut

(Isumaginninnermut, Ilaqutariinnermut, Naligiissitaanermut Inatsisinillu Atuutsitsinermut Naalakkersuisoq)

1. Siullermeerneqarnera

Ajoraluartumik takussaavallaarpoq ilaqtariit sakkortuumik aqqlusaagaqaraangamik, assersuutigalugu apparisaq toqukkut qimagogimagaangat imaluunniit paaqqutarineqarluni angerlarsimaffimmut nuuttariaqalersimappat, ilaqtariit inuuniarnermi ajorluinnartumik inissittartut inissiassaqaratik amerlasuunillu akitsoqalerlutik.

Ineqarnermut tapiissutit pillugit malittarisassat atuuttut malillugit inissiami attartortittakkami init najugarineqartut najugaqartunut naleqqiullugu amerlanerpaamik ataaseq sinnerlugu amerlanerunngippata ilaqtariit ineqarnermut tapiissutinik taamaallaat tunineqarsinnaapput. Malittarisassaq taanna peqquaalluni ilaqtariit amerlasuut aappamik ilaqtamilluunniit tassanngaannartumik annaasaqartut inissiamut minnermut taarsiutaasumik nuunnissaminnut neqeroorfiteeqqaarnatik ineqarnermut tapiissutisiaqarsinnaajunnaartarp. Inissiami minnerusumiissimagaluarunik ineqarnermut tapiissutinik pisinnaatitaasimassagaluarput. Ajornerpaamik kingunerisinhaasaa tassaavoq ilaqtariit qimagoattoqarneratigut aliasuutimik qaavatigut inuuniarnermi ajorluinnartumik angerlarsimaffeerullutik inisisimalernerat.

Tamanna tulluartuunngilaq. Taamaattumik matumuuna siunnersuuteqarnermi ineqarnermut tapiissutinik pisartut inuttut sakkortuumik aqqlusaagaqarsimasut imaluunniit najugaqatiminik toqukkut qimagaasimasut qaammatit 24-t tikillugit ineqarnermut tapiissutisiaqarsinnaatitaanissaat siunniunneqarpoq. Taamaaliornikkut ilaqtariit artorsartut inissiamut allamut minnerusumut ineqarnermut tapiissutinik ataavartumik pisinnaatitaaffiusumi nassaarnissaminut periarfissinneqassapput. Qaammatit arfinillit qaangiutsinnagit attartortup taartissatut inissiamut ikinnerusunik initialimmut qinnuteqarsimanini upternarsassavaa.

Taamaalilluni inatsisissatut siunnersuutip inuit artorsartut amerlasuut ikiortussaassavai.

Inatsisissatut siunnersuut aningasaqarnikkut taasarialinnik kinguneqassanngitsoq nalilerneqarpoq, tassami ineqarnermut tapiissutinut annikitsumik aningaasartuteqarnerulersitsigaluartoq kommunip ilaqtariinnut angerlarsimaffeerullutik inuuniarnermi ajorluinnartumik inissisimasunut aningaasartutissaanniit annikinnerungaatsiassaaq.

Matumuuna siunnersuut ukuninnga oqaasertalerlugu Inatsisartunut inussiarnersumik suliarisassanngorlugu tunniuppara.